

VITA
SANCTI DATHI.
CAPUT UNICUM.

Sancti Dathi pietas, & obitus.

DE SANCTO DATHO.

Dathus VII. Hic namque Vir religiosus, & nimis pius, vigilansque fuit nocturnis orationibus, atque præcipuus animarum adquiretor, hominum, ac gentis crebro Prædicator, & velut speculum clarior vultus super cunctos emicuit, nam quando is ad gratiam supernam vocatus est, sancta ipsius anima à corpore cessit. Et, ut asserunt quidam, in Ecclesia B. Probi sepultus est. Sedit autem annos.....mens.....dies....

OBSERVATIONES

AD VITAM

SANCTI DATHI.

S. Dathi ætas incerta.

Rubeus Probum floruisse dicit M. Ælii Aurelii Antonini temporibus, Pontificatu Pii, Aniceti, Soteris, ac Eleutherii ad annum ab ortu Christi circiter CLXXV. Dathum verò, novem annos cum administrasset Ecclesiam, obiisse quinto Nonas Quintiles. Fabrus rem certius designans, Probum defunctum dicit anno CLXXV., Dathum autem, assignatis à Rubeo Pontificatus annis novem, anno CLXXV. Uterque id asserit nullo teste, nullaque ratione exhibitâ.

VITA
SANCTI LIBERII.
CAPUT UNICUM.

S. Liberii pietas, sapientia, obitus.

DE SANCTO LIBERIO.

Liberius VIII. Magnus homo charitate plenus, irriguus fons, fide præcipuus, mente benignus, suis temporibus Ecclesiam omni honore adauxit. Immensa humilitate propriae vite animam custodivit, omnique philosophiæ tenuit principatum. Post hæc autem obiit, & sepultus est, sicut quidam suspicantur, cum Prædecesore suo. Sedit autem annos.....mens.....dies.....

OBSERVATIONES

AD VITAM

SANCTI LIBERII.

Liberii philosophia quæ? Subsequentium duorum Episcoporum Vitæ observatæ in præcedenti dissertatione.

Agnellus de S. Liberio ait, eundem philosophiæ tenuisse principatum. Rubeus inde sibi asserendum credit, hunc Episcopum Philosophum maximum, Græcè, latinèque doctissimum. Cetera, quæ tum de hoc, cum de sequentibus duobus Episcopis observanda erant, dicta sunt in præcedenti dissertatione Historico-Chronologica, quæ proinde hic minimè sunt repetenda; alia quæque vel ab Agnello, vel à Recentioribus tradita tenebris obsita sunt, ac omnino ignota, quare cum nil adnotandum veniat, ea intacta Lectori proponenda censui.